

參寥子詩集



編三刊叢部四

集詩子寥參

(82313)

中華民國二十五年三月初版

本書實價國幣壹元伍角

外埠酌加運費匯費

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

參寥子詩集卷第七

別蘇翰林

四海窺人物其誰似我公
論交容未契許國見深衷
漸遠矣天月行披禁殿風
玉堂清夜夢解后過江東

送景文

交游盡四海厚我乃無幾
劉侯軀七尺堂堂信英偉
中剛冷如鐵萬事肯料理
相逢傾蓋餘眷眷極終始
東南久徹誓將領用儒士
三年湖山游屢得陪履齒
長誦傲雲聲草木俱披靡
詞鋒剉萬象搜索泣山鬼
珠璣溢錦囊所得真富矣
軒冕本儻來功名徒爾耳
一塵聞已卜視此猶脫屣
歲晚匡廬山高棲踵前軌

贈太守林子中待制

拭目除書下九天邦人爭賀使君賢風流謝守宣城日愷悌龔
公渤海年終作鹽梅均鼎鼐且憑觴豆樂山川一門棣萼登臺
省盛事駸駸海內傳

照閣奉陪辯才老師夜坐懷少游學士

猿鳥投林已寂然芭蕉過雨小樓前雲依絕壁中間破月自遙
峰缺處圓照坐不須紅蠟炬可人唯有薰爐煙按酬御府圖書
客疇昔還同此夜禪

贈天竺聰道人

完完明月珠蓄彼萬文淵徑寸不可覩餘輝媚清川道人實有
道膠口默不傳心閑氣自和眉宇常藹然邦人昔致師欲以居
法筵文移動帥府禮數端亦虔冥鴻避網羅矯翼從高鶩揭來

靈山隅圓蒲味深禪盛德不自顯與物同周旋兒曹恃文采毫末爭醜妍相逢廣坐間肯顧斯人賢茫茫大化中浮名暫腥膻吾知道人意反汝生哀憐

送僧遊天台

海邊孤起碧千尋俯仰應酬壯觀心峭壁斷崖當歲晏冷雲踈雪上衣襟論懷此日能傾倒尺素它時嗣好音摘勝窮幽吾老矣杖藜無復伴登臨

覽黃子理詩卷

六載南官何所營百篇翻覆見高情霜鷗露鵠元非俗雪竹風松本自清俊逸固宜凌鮑照優游真已逼淵明微言會有知君者謾擬鍾嶸試一評

梅花寄汝陰蘇太守

湖山搖落歲方悲，又見梅花破玉蕤。
一樹輕明侵曉岸，數枝清瘦耿籬良。
辰易失空回首，習氣難忘尚有詩。
所向皆公舊日題，墨肯辜魚鳥却來期。

次韻陳敏善秀才見過

投老形骸真木偶，水飲崑栖聊自守。
世事浮雲日變遷，我亦何心預臧否。
故人新自廣陵來，問我詩囊近何有。
吾言淡薄非橄欖，縱可咀嚼聊能久。
且開窻戶話平生，湖光山翠相糾烘。
簷暖日氣味好相對，蒲團復支肘。
愛君年少擅才華，詩律清妍無可醜。
却愁征棹促君還，空聽陽關詞一首。

都僧正慈化大師挽詞

領袖吾家事由來二十春虛懷能應物真氣肯隨人逝水流方

遠臨池墨尚新聲聞雙樹子不見葉間身

育王山大覺禪師以羅漢木贈蘇翰林蘇反以

贈師九植九二十年葉間生有如此丘形謂之羅漢木師嘗指此語余曰吾不復見此羅漢之生也故及之

平生輕長物身世等鴻毛譽出東南早人驚節義高玩竒唯水

石結客盡英豪來往元無迹情鍾謾鬱陶

伏枕時無幾臨分若故常寸心能炯炯去路豈茫茫車馬門猶

盛芝蘭室更香獨餘庭下竹冷韻起悲涼

次韻吳承老推官觀開西湖

偉人謀議不求多事定紛紛自唯阿盡放龜魚還淥淨肯容蕭

葦障前坡一朝美事誰能紀百尺蒼崖尚可磨天上列星當亦

喜月明時下浴晴波

列星事出教中

都僧正既闕子中待制欲余補其位輒辭以小詩遂獲免
佩德懷恩豈易陳自嗟麋鹿性難馴流年日月無多子乞取山
林放曠身

送子中待制

翹翹孤鳳凰安巢本阿閣偶來依澤國歸興遂淹泊江山迫歲
華草木正搖落霜空肅萬里纖翳無處著翻然整羽儀一舉在
寥廓

南山有佳木秀色何葳蕤封植不記年落落今百圍盤根雖自
固烈風無時吹匠手營大厦衆材得施為偉哉梁棟姿取用不
可遲

平生長樂公聲華越三紀文章兩京齊學術游夏比螭頭足未

安符竹已屢從聯翩開幕府爛熳樹桃李鋒車入帝鄉天馬行
九軌周旋有程度駑駕安足擬

曉發苕溪將次徑山呈通判廖明略學士

明星耿耿出天東結束籃輿伴我藹藹梅香侵曉陌斑斑旗脚
轉春風勝游此日塵埃外回首它年夢寐中絕景小詩難壯觀
當看醉筆吐長虹

次韻王行甫奉議湖上晚歸遇雨

妙齡公子嗜遨嬉永日湖山未肯歸酒幟曉人應慣識花枝拂
帽不須揮輕紈細綺來何處青蓋朱輪去似飛向晚薄雷催急
雨清寒無柰龍裳衣

同曾仲錫通判游天竺諸山

煌煌世胄餘夫子非碌碌由腹有詩書所以能拔俗得官本河
朔瓜期未云促扁舟下東南逸興追鴻鵠遇勝即徜徉風飡兼
露宿嗟余偶傾蓋一笑外羈束杖策每過從相携訪山谷春風
披鮮榮繡錯出林麓松門有時盡幽興無斷續崖轉聞鍾聲林
踈見華屋銜山餘落景歸路猶躑躅誰云鄴下歡往事不可復
吾曹二三子所樂亦云足願公紀新詩一一能見錄舡頭行北
歸囊篋有美玉塵埃京洛人示與洗心目

次韻劉韋孟主簿湖上

劉郎詞筆過蘭成詠遍湖山草木情祿隱太平真樂事莫思神
武挂冠纓

中流出沒一舟虛緩楫長謠彼自如聞說古來江海上達人多

半寄樵漁

老葑如雲旣卷除風瀾百頃翠紆餘竒探險取各爭賦誰復能
名造物初

遊茗溪道場山

東風吹雨過城闌日照河隄柳映津兩槩差差搖燕尾千山漠
漠散魚鱗長緣絕境關幽夢尚喜茲游及暮春蘭蕙未衰桃李
在蜂喧鳥咽莫愁人

夏夜

松室開孤定褰幃納夜涼嬋娟依翠竹無語過東墻

送蘭花與毛正仲運使

幽姿冷艷匪天饒曾伴靈均賦楚騷今日移根庭下植可無佳

句與揮毫

從來託迹喜深林
顯晦那求世所聞
偶至華堂奉君子
不隨桃李鬪氤氲

夏日竹閣

沈水擢煙青
繚繞風篁傳韻冷
蕭騷楚山竹
簾琉璃滑卧看炎
雲檻外高

送李仲益赴襄陽幕

襄陽古名都
雄觀壓荆楚
醉公誇文詞
風物粲可數
嗟余未歷覽
彷彿已如覩
人生游宦間
得此亦佳遇
李俊妙天姿
文行兩自負
少年志真鴻
千里輕一舉
天風不借便
造物暫淹阻
既無負郭田
黽俛依幕府
賢哉彼方伯
耽略高韻度
寧俾簿書役
朱

墨事朝暮爽氣對西山清談共樽俎試問鹿門翁遺蹤今在否
訪勤上人

斷橋蒼壁倚溪斜赤葉楓林噪晚鴉可怕巖雲埋徑路會尋流
水到君家

荅柯山曉上人

風騷古人事而我豈所長見曹嗜章句餘習未易忘根源本無
有直若夏潦潢道人氣拔俗吾黨稱俊良十年依叢林實以道
自將禪餘喜賦詠妙語逾珪璋世眼獨未識深叢悶孤芳鋒錐
必穎脫安肯久處囊子宜力自勉聲聞終揚揚吾言豈知子老
大殊荒唐

送俞伯謨宣德赴辟成都

我生落拓如虛舟，萬里江湖隨演漾。君今祿仕亦我同，南北悠悠無定向。故鄉回首海東頭，兄弟十年官塞上。才高質美衆所竒，杞梓豫章非冗長。辟書交飛上廟堂，肯使湏臾事閑曠。秦山崢嶸塹戎虜，自古征人愁。悵望劔門棧，閣天下危去馬來車。魂欲喪，羨君年少勇攀躋，足躡青真身益壯。舊游陳迹想依然，感物懷親情獨愴。

伯謨先公待制嘗爲成都漕

次韻文饒同自龍井出資國度泛舟以歸北山

踞虎奔犀列萬形，竒觀真已過南屏。縈雲細路杳無盡，落石飛泉靜有聲。十里平湖初卷葑，一天秋色共揚舲。停橈共過孤山寺，寂寂林僧半掩扃。

陪司馬才仲節推諸君游天竺

得青字

西郊久不雨草木無餘青薄雲弄秋暉山色時晦冥超然五詞
客文采披華星聯翩過吾廬車蓋紛滿庭相携訪靈鷲細路通
崑局攀翻幽桂叢衣襟襲芳馨絕境異人世吾詩豈能名諸豪
追鄴下妙語逾瓊英願言一揮寫樂事良難并高空墮海日歸
驂尚能停

呈丞相章公

時提舉洞霄

大滌仙翁謝往還蕭然几席奉清閑曾中舊已吞雲夢人望從
來重泰山書到鍾王方絕學文非典誥不須攀名言一一皆公
語它日親聞廣坐間

過定林謁荆公畫像

古木蒼藤一徑纏我公疇昔屢回旋蕭蕭屋底瞻遺像傑氣英

姿尚凜然

壁間千字走龍蛇好事何人護絳紗一讀已能生感慨暮簷蕭瑟更啼鴉

次韻曾子開侍郎話別

二紀浮游踏世塵賢愚了了見情真行藏不昧如公少細聽名言實可人

抗論儀曹肯折旋一麾江海去飄然他時開府餘杭郡來酌吾廬石縫泉

書夢寄妙懿

妙思堂深路屈盤夜來魂夢忽躋攀道人開戶相迎處宛在脩篁翠霧間

觀恭師詩書以二絕勉之

吾鄉英秀頗能文子復區區慕碧雲請用三多為祖式他時自
與古人群

論書當亦似論兵軍律非嚴事不成行伍會須同比櫛出奇方
可語縱橫

過鍾山尋俞清老不遇

霜風薄木韻含悲歲晚尋君失後期夜鶴曉猿驚怨歇草堂人
去已多時

次韻劉伯昌長官見贈

劉侯詩格殆天全初得西湖紀勝篇錦繡為腸供麗藻鯨鯢作
氣吸長川靜依北牖開樽俎醉掃寒梢雜雨煙歲晚扁舟東去

急喜君高調重遷延

次韻法真禪師送曾敬之宣德昆仲

昔與乃翁相遇年始知有子生且賢爾來雙榦已爭秀屹屹欲
上參高天昨朝較藝偶不售他日奏賦聞甘泉方今廟堂喜人
物收拾萬彙歸陶甄馮蹄麟趾終一出輝映左右無餘妍肯學
孟生誇得意一日走遍春風前嗟余投老隱嵩谷形若槁木心
灰然扁舟追子僅千里彷彿夜夢遙相傳西湖風物行歲晏歸
賦梅花趁臈先

送文惠師還金華

脫略紛華自妙年秉心端喜事金僊終期象馭超三界不羨鵬
程越九天考䟽窮經心尚壯依仁據德節九堅秋風陡起庭闈

念聊寄脩江一葉舡

證師聖可桐虛齋

吾聞嶧山桐倚倚排秀榦栖鸞宿鳳信所竒衆木紛紛何足筭
嗚呼天相彼質復虛彼心故其聲之隱也無闕其動也無留有
叩而鳴體佚而休嘉上人之妙齡兮無適俗之卑韻剛有疑於
斯桐兮廓中虛以受訓異速成之朝榮兮培益厚而日敏悼像
末之寥曠兮蹇吾道之不振續芳塵於祖席兮他日非桐虛上
入者而復誰何哉

規師方外停雲齋

上人少脫略出處非拘囚停雲倚空端舒卷良自由縱之千丈
強斂附拳石幽超遙宇宙間孰與斯人儔銘詩善摹寫居士亦

風流

揭榜作銘皆濂溪居士居士即周元翁也

卜居智果方外以詩見寄次韻奉酬

偶來湖上緝衡門
桐長脩柯竹有孫
引策每從佳處去
望雲橋下是西村

青燈殘篆夜寥寥
門外秋風振葦蕭
慚愧高人能見憶
為余西望立溪橋

次韻周開祖大夫泛湖見訪

漾漾清漪十里間
畫舫人似鏡中安
雨催菡萏幽香發
風觸蒲萄細浪寒
高岸烏紗來靜院
倒揮白羽傍曾欄
吟毫所遇無遺景
天乞詞源北海寬

參寥子詩集卷第七

參寥子詩集卷第八

次韻才仲試院夢中書事見寄

夢入秋山知幾層
霜風吹骨正稜稜
蒼崖犖确難安足
自說從余授杖藤

事見才仲叙中

朱夢碧瓦礙雲浮
共躡曾梯最上頭
一餉闌干變風雨
凜然毛髮便驚秋

恠獸胡為出巨津
昂然激水忽翻身
魚龍顛顛何妨事
莫作風波謾恐人

一川脩竹映踈花
川上時聞響釣車
似到秦人種桃處
誰知夢斷却還家

崖根烏蜜已先嘗
從此知君鬢不霜
應笑吾曹事枯槁
山中危

坐獨休糧

贈吳子野先生

麻田老仙心炯炯少有高風慕箕顛枕流漱石三十年眸子瞭
焉神更靜忽然杖策海上來至人道妙同塵埃達官貴侯競招
致往無所欲誰嫌猜迹來一志從吾黨跡與孤雲共天壤曹溪
有路更攀躋徑躡毗盧高頂上

子野將出家事
見東坡詩中

送庠上人

點檢行裝拂與巾洒然輕別故山春家家門底長安道舉目何
須更問津

次韻才仲山行

幕府文書一掃空何妨行樂醉春風想聞笑語千山外正在煙

雲萬疊中哢日鳥聲喧細碎照溪花影靜玲瓏苦吟只恐凋肝
腎夫子還宜少黜聰

與神智師話別

昔我年始壯託身靈鷲峰主人大導師鼓舞揚真風四方依絳
帳雜還象與龍嗟余於此時已識大士蹤紛紛論議場頭角出
群雄如何三十載慧刃藏其鋒端居隸業地了不為世通邈獨
念西湖聿來將誰從情隨山水遠興與魚鳥同平生方外姿自
在如冥鴻明朝復回首飄洒一孤篷

暉暉堂

堂上何為絕點埃堂前翠簾掃空堦遙憐薄日暉暉靜影入高
人燕坐懷

次韻嵩陽陳叔易先生見訪

知君挾冊未嘗閑一志端能事孔顏千里扁舟下吳會眼中收
拾只溪山

枯槁長專一壑間權豪殊未少低顏風雲他日超騰去莫畏移
文到北山

曉霽

雲擁茅簷水拍渠曉來新雨過吾廬
蕙紅宿萼莓苔滿解事長
揚自掃除

次韻龔堯佐帳勾晨起感懷

造物紛紛自變更達人何用較前程
芭蕉身世榮枯久胡蝶夢
魂來往輕隔屋想蘓銅漏盡開扉猶愛玉繩橫
應嫌百吏鳧行

進簿領文書與案平

遠齋

為玉上人作

君不見崑崙之河與天通源深發遠人莫窮回溪轉壑隨折衝
末勢演溢流于東東溟無旁下無底浩蕩足以家魚龍嗟哉吾
徒雖好學詎肯著意推所從淵停富滴有若是孰謂世上無豪
雄法師名齋意且遠張皇幽眇見尔聰西來竺書五千軸期子
歲月加磨礱離騷楚詞亦謾讀言語黼黻何必工禪餘習氣如
未盡時倚澗石吟松風

懷仙閣

瀛州仙人騎皓鶴珮玉鳴風度寥廓錦溪南望九仙岑笑指煙
霞憩曾閣閣中清絕無纖塵銅鑪著香夜夢直平明跨鶴出山

去澗草崑花空自春山僧問我人何地今作玉皇香案吏挾持
造化幾時還搔首臨風聊一喟

華亭道中

白水茫茫天四空黃昏小雨濕春風五更百舌催殘夢月到官
河柳影中

同周元翁著作作范明遠祕校西湖夜泛各賦一首

薄雲踈雨作還休白帝撩人巧變秋天地此身均逆旅江湖幾
番共離憂暮聲斷續鐘連磬夜氣浮沈浦與洲圓嶠方壺未
羨敢煩騷客為冥搜

和元翁

高論每逢賢文生還如講武得奇兵了無鄙吝胸中物尚有風

流世外情破海玉蟾初未躍
洒空珠露已先傾
回撓轉施行三
鼓始見波瀾百頃明

和明遠

二客風神瑩石泉
解衣同緩夜歸舡
已殘巾子峰頭日
猶認吾廬竹外煙
水恠有名殊未見
犀燈無事不須然
月明幽渚蒹葭
靜珍重沙禽穩睡眠

次韻月上人秋夜見寄

冥鴻振鷺想儀形
數日新秋入夢清
丹壑流泉依舊否
碧品藜桂幾時生
風來玉戶涼初集
露泫銀河色漸清
僮俛酬君無妙
語夜光魚目愧相并

送遠上人還金華

千 脫葉送殘秋一舸南歸與莫留富渚江平非白馬子陵灘
穩異黃牛吟懷覽勝宜無倦才力如君豈易求他日殷勤為細
字盡傳佳句到東州

與愚上人宿天竺

夕陽山氣藹葱葱路轉松陰復幾重行過石橋人未見數聲先
聽寺樓鍾

稽留峰北好林泉珍重幽棲得所便栢子煙中能宴坐想無餘
習可攀緣

霜壓簾櫳露泣條銀河影轉斗垂杓清言共失三更夢錯恨芙
蓉漏易消

晨起

猿鶴驚呼曉樓鐘動翠微楓林墮清月踈影亂人衣

喜不群不疑見訪

鵲啁庭梧喜滿懷懸知二子下崔嵬山中爽氣知多少半逐風
流杖屨來

送桐江明上人之都下

窈窕孤雲下翠岑帝鄉閑去本無心紅塵滿眼急回首莫遣空
山鶴怨深

送定上人還會稽

西風磬群木蕭瑟散秋聲病客有歸思孤雲無戀情月當千里
共人恨四難并苦學誰如子它年在一鳴

次韻劉蔡仲秀才雪後登竹閣

檻前君子舊虚心雪後相看意更深晴日暖風催語鳥翠梢高
處轉柔音

君看楚嶠聳巔岼圭壁千層間翠嵐山後一峰尤秀拔依稀還
落剡溪南

次韻黃仲閔主簿見訪游寶雲諸寺

吾廬附曾阿松竹蔚行路平生土木軀羞為折腰具蓼虫甘苦
澁雖死那求遇黃香諸父賢傾蓋如有素相將山水行所適得
佳趣觀臺深且靚縞壁懸清句雲巢倚空端下覽宜細顧樓臺
霽雪初碧瓦塵未浣籃輿拍頰景長挹還辭去恍如山陰集俛
仰已成故重來竟何時相望碧雲暮

蘇世美夫人挽辭

夫子剛中早數竒
閨門高節聳當時
淵明晚欲歸三徑
德曜能從賦五噫
不見萊衣華髮事
空驚薤露昔人悲
故知造物酬陰施
玉立諸郎富白眉

重居夜坐懷蘇伯達昆仲

狂風吹林聲怒號
隔垣洶洶如秋濤
夜闌稍覺群動息
星斗挂簷霜月高
東隣書生勤且勞
粲然文采真鳳毛
想遥下帷應未寢
短檠相對課離騷

慕容居士雙栴軒

陽羨溪山名浙右
氤氳淑氣無時有
遂令比屋慕絃歌
甲第殊科爭捷手
先生讀書三十年
數竒不偶真可憐
閉門陋巷聊自隱
簞瓢屢空心晏然
南軒前頭兩佳木
先生撫玩長不足
九愛

薰風五月初白銀開花光照屋故人解后相逢遇拍點婆娑索
新句君不見少陵杜叟有長吟莫作凡材等閑賦

次韻蘇端定武雪浪齋

孔明氣宇白玉溫忠義勇決踰王尊葛巾羽扇傳號令塞垣徹
磬無塵昏良辰往往挾將佐射鷗走馬循煙村歸來飲酒坐堂
上賓從如雲填戟門一朝郡圃得竒石雪浪觸眼驚神魂旁求
蒼珉琢巨斛偃然卧土知無根三牛曳歸置堦圯錯磨不許留
纖痕興來作詩寄臺閣雄詞妙筆爭考論將軍今謫窮海外會
見曦娥窺覆盆躬勤寄語朔方客佳致勿毀宜長存

無為堂

無為豈不動無念非剗心至人均道妙與物相浮沉青銅一寸

明萬象了自分何須苦機械擾擾亂冲襟晴窗馥煙篆衣被蒙
餘薰超然曠士懷所得踰古今

示法穎

兒曹汝既識薰蕕卓犖應須力自修一志徑從齊客語萬端無
受楚人咻卑飛燕雀宜深遠高舉鸞鳳可並游莫負謫仙當日
語十年名譽滿東州

清聚軒

之子吟懷欲稱情故穿幽沼涵清冷儻逢來客議深淺但道淵
源通北溟

次韻曉師見別欲游京洛

春波漲南浦霽色媚澄鮮扁舟駕兩槳行矣子所便岸花開迤

灑紅紫交相妍詩情發浩蕩輸瀉萬壑淵清新逼庾信雅健追
樊川相儔得鴻鵠翔集固超然衣袂暫塵土它時洗雲泉幽姿
復炯炯不羨玉池蓮

游徑山懷司馬才仲

柔桑蔽野麥初齊布穀催耕雨一犁略約時橫溪上下薔薇間
發水東西重尋勝處追前賞無復斯人手共携回首春風增感
槩綿綿黃鳥更悲啼

雲巢

環湖相望百招提高棟曾軒亦屢躋未若道人基構勝闌干清
與白雲齊

九江秀色可攬結謫仙愛彼巢雲松寂寞風流三百載此軒奇

觀躡前蹤

碧瓦朱甍冠翠微，鬱葱佳氣繚窻扉。
人間塵土紛阡陌，不到藜床燕坐衣。

清明日湖上呈秦少章主簿

水邊花霧曉氤氳，春入西湖兩岸深。
冶葉倡條他自媚，朽株枯木我何心。
鞦韆索轉朱樓角，博塞聲喧碧柳陰。
年少故人方感槩，未應從俗強浮沉。
時少章喪耦

送誠無上人還洞山文禪師席下

上人妙齒遺樊籠，嗜好豈與稠人同。
崑崙水飲有餘裕，期以至道超鴻蒙。
少林人亡僅千載，末路鼓舞誰爲雄。
江西老褐真望士，蟻趨雲合爭所從。
羨君伏役事且久，誠專志苦迷春冬。
心珠

磨錯稍精瑩彷彿水月含冲融去歲扁舟下吳會溪山勝踐情
所鍾芒屨竹杖霜露入始知節物徂秋風朝來興盡挽不住翻
然又逐南征鴻它年相逢定廬岳與子終老巢雲松

燕默堂

萬彙乾坤裏誰何識道真喧卑憎末俗燕默羨高人漏轉芙蓉
永香銷栢子頻他年揮玉麈堂上挹芳塵

送嚴上人還永嘉

道人出處孤鴻儔詎肯低回受羈絆飄風轉日歷九州不羨騎
鯨游汗漫我生與君幾相逢窮幽摘勝時乃同胷中妙道未容
扣又引高興辭秋風君家住在孤嶼側此別何時見顏色欲識
相思一寸心冷月依依挂空碧

吳門獄中懷北山舊隱

江湖堂北是吾廬，繚繞杉篁蔚有餘。
欲問山中近消息，鱗鴻不

寄獄中書

誅茹投老卜栖遲，雲雨相翻豈易知。
夜鶴曉猿休悵望，回車復路可無時。

數畝檀欒古道邊，亭亭氣槩上參天。
未應霜雪能摧抑，不用行人歎可憐。

東崦扶踈一樹梅，繁英辜負歲時開。
殷勤寄語蘭兼蕙，它日春風我亦來。

甘冷宜茶石縫泉，得名初自玉堂仙。
蒼苔滓穢聊疏治，照月涵星復粲然。

一徑緣雲入壽星竹間窈窕見踈櫺闌干數曲觀臺上幽草靚
花常滿庭

吳門有懷錢塘何彥時仙尉

英妙何郎蘊德光不隨人世事炎涼麒麟步武開天上他日青
雲道路長

英游閣前官柳行柔枝嫋嫋弄鵝黃多情春色還依舊獨有離
人天一方

湖岸茸茸細草生芳洲杜若想縱橫去年問柳尋花地誰伴穿
雲渡水行

劉咸臨秀才挽詞 道源學士之子

劉子江南英韻勝不友俗閉門誦詩書戶外無來躡昔我寄匡

山崑扉屏幽獨君聞跨蹇驢
迢迢訪深谷忘懷去畦畛結好比
松竹浮雲事忽空逝水難再復
徒有篋中文千秋成鬼錄

異材擢陽阿秀色方蔚然
侵尋掩衆阜屹屹上造天
鷲颺忽摧殞中道虛棄捐
顏淵古稱天道德今獨妍
何求擁腫為無用徒

永年

平生本家學耻作干時語
著書以愚名綽欲慕前古
紛紛詆迂闊默默君自許
弱齡詠風騷其詞哀以苦
先生歎竒作壽達終難與
果為冥冥游一往不可覩

吾希李長吉異代不得友
賴餘錦囊篇把玩時在手
斯人君並駕未易較先後
肝脾裹陽秋落筆粲瓊玖
當年邂逅初宛在三峽
右相携石橋行下瞰冰雪
溜音容俄永隔山月空
依舊銘詩

得黃香知子垂不朽

贈霍山人

先生少年喜武事三略六韜曾徧閱
胸中雲夢吞八九氣勝萬夫真
勇決防邊伊昔從都護欲取功名
繼前烈臂弓腰箭事戎裝遠出砂
場恣游獵擒狐射鴈狂且逸不覺
歸途迷夜雪敗官遭譴失所志回
首飄然辭魏闕挾持妙術當生涯
放浪江湖閑歲月尋常得錢即沽酒
笑與妻奴同飲啜樂天知命了無
憂奕奕紅顏浮兩頰春風浩蕩魯城
邊稠花亂藥爭紛妍方將與君共
携手騁懷游目相回旋興來別我
汶陽去黃鵠一舉難留連村橋野
店醉斜日路人誰識地行仙

參寥子詩集卷第八

參寥子詩集卷第九

送劉不已推官罷奉符尉入都注擬

少年讀書破萬卷河朔聲名壓諸彥詞場百戰功不成晚得青
衫非所願白頭况有北堂親斗祿強湏甘冗賤三年一尉泰山
下簿領區區事弓箭追窮寇盜走山谷肯爲風霜辭怯懦要功
壘賞本無心脫去僅能逃所譴草枯蓬斷歲將徂結束行裝抵
京縣達官貴吏急賢材一鷲君湏預論薦投竿舍築去作相邂
逅風雲一朝變造物於人自有時未足爲君生忿怨

過彭城觀陳傳道知錄所藏東坡公畫

枯株瘦石兩相望南北悠悠徑路長卷盡平岡三百里風枝雨
葉更飄揚

淮上觀水

桐柏崑崙日夜傾投溪注壑本無情乍爲含垢千尋濁不作矜
人一掬清

戲書誠師秋景小屏

黃蘆敗葦兩三叢彷彿江湖在眼中鴈鴨鷺呼緣底事一時昂
首立秋風

過韞秀堂觀仲豫二詩因次其韻

箕南斗北各殊方誰信相思去夢長蓬斷草枯當歲晏冥冥空
對蕙爐香

荆溪一別十年餘流竄何嘗定所居等與山河同幻質更將三
界作蘧廬

次韻聰師見寄

三年東魯貶閉戶實超然靜極通幽眇神游豈間焉獨全霜後
操未異火中蓮不似沈相客徒懷忿與愴
夙學誰知子源流務所滋風騷追五柳禪寂擬長髭桂魄元昭
晰浮雲自蔽虧險夷終一節吾以古爲師

次韻升師見招

老去年光知幾尋無端華髮苦相侵獨怜碧眼平生舊未改青
松一寸心欲扣禪關當歲晏肯愁溪路隔雲深相逢試採梅花
信應有香鬚擢碎金

兒童牋管已能操書乏吟窻幾兔毫文囿垣墻增漸廣詞林枝
葉勢方高嗟余舊喜論周誥晚歲無心諷楚騷羨子得時勤述

作宛如秋浦湧雲濤

殘菊

霜摧露殞萬枝空
蘂菊鮮鮮尚見容
細蕊冷香聊自媚
無心引蝶更勾蜂

滌軒

隔雲穿竇引涓涓
噴玉跳珠亦可憐
心垢本無何用滌
戲將蕭洒度流年

千頃廨院觀司馬才仲遺墨次韻

濛濛春雨暗村橋
竹裏禽啼淅淅餅
焦度谷勸聞車軋軋
穿林愁聽馬蕭蕭
細窺陳迹僧坊靜
默想風流鄙吝消
浮魄沉魂今已矣
無人爲作楚詞招

唐昌王悅道桃竹軒

餘杭門西山迤邐屹屹千峰插天起窮幽摘勝過三邑隨處雲
林皆可喜邇來杖策到君家始覺溪山逢骨髓爭流萬壑會目
前競秀千崑對葱朮丹楓洗兩秋霽餘白鳥出沒嵐光裏主人韻
勝無塵埃翠竹紅桃相映栽良辰樽俎憑誰共友月朋雲自往來

溪上

紅蓼蕪邊雙鷺飛波痕翻動碧琉璃須臾相趁却回首斜立垂
楊煙外枝

聽盛道人琴

陰雲收雨閣曾簷寂寂西風不動簾燒盡夜堂紅蠟炬高山流
水聽無厭

有客浮游不定家玉琴三尺當生涯從來正始無人會掉首高
歌烏帽斜

千頃山圓鏡堂呈應禪師

茲山嵯峨冠天下一徑縈雲行兩舍始窮絕頂見招提碧閣丹
樓屹如畫門前池水瀉蜿蜒座上風雷驚晝夜峨眉五臺誇壯
觀品目真不此為亞偉哉南師非世人開荒闢土初推輪寥寥
相望三百載廢興一一難具陳丹丘大士來鼓舞氣象煥發重
增新投金輸贖走南北法雨所被無涯津虛堂選勝得佳處隆
簷巨棟成逡巡窻扉洞達舒兩目異景錯出羅綦綦朝雲夜月
常萬頃寒光炯炯如鎔銀堂中隱凡人何似湛若玉毛懸秋旻
榜名圓鏡示來客庶使方寸無淄磷

沈道原養浩堂

塵勞萬計日紛紛未礙堂中養浩心
花草暗香來屋角溪山爽氣入衣襟
樽中白酒無時有篋裏清詩不廢吟
夜夜鄰家助幽致數聲羌管弄微音

宣上人玉淵堂

玉淵閔蒼崖源深杳難測但見涓涓附籜龍
宛轉來投小池側小池方折餘兩尋
鼃鼃不游苔不侵青天無雲落寒影
沈柔見底空人心妙哉支公營小築
氣象蕭然真不俗夜吟朝講度流年
何用崢嶸誇傑屋

與定師話別六言

客有來從東越示余滿把瓊瑤萬壑
千崑鍾秀故知多士翹翹

雪解松筠振色氣回蘭蕙含芳興動剡溪吟客夢先歸鳥飛翔
出海濤雷方震橫江雪陣如山一葉舟輕飛燕飄然掠水東還
鳳唵山含暮靄西陵月破黃昏慣作江湖離別未應當此銷魂

慧覺孜師綠筠軒

綠筠蕭蕭含爽籟幽姿落人難愛壁間但有謫仙詞聲名自到
江湖外當年扞軒非壯觀局促簾櫳日虧蔽一朝經畫有底難
推倒牆頭了無礙坐挹西南十里山彩翠浮空屹相對開池鑿
圃增氣象佳致真爲一方最鳥聲鳴春春漸融蘭芽蕙出初蒙
茸我來正值新雨定弄日吹香聞座中主人散策邀我步池南
池北聊從容會待龍孫添夏蔭借君此地眠清風

夏夜智果懷武康令毛澤民

暮磬寥寥上方籠紗朱火影微茫窓虛竹淨雨初闕雲潤星
輝夜更涼落枕松聲驚瑟瑟撲簾香霧靄蒼蒼遙憐散髮東
堂老正卧風漪六尺床

澤民自号
東堂老人

寄宗室趙伯言朝請

趙侯天人裔雅韻能拔俗豈意江湖間解后識眉目高談為余
傾落落如轉轂端無貴富驕但有文字欲交游多望士頡頏爭
馳逐艱難風義高迹與古人續銅章領劇邑宛在江之曲鳴絃
陶永日了不事鞭朴新詩擬建安簡遠詞不縛錦囊有餘棄示
我僅盈軸持還故山棲把玩時反覆美哉韶濩音鏘然落崑谷
嗟余真淺陋學海無一掬仰君東溟深短綆不可觸

讀東坡居士南遷詩

居士曾中真曠東南行萬里尚能詩牢籠天地詞方壯彈壓山
川氣未衰忠義凜然剛不負瘴煙雖苦力何施往來慣酌曹溪
水一滴還應契祖師

讀聞復詩卷

詩律久已廢宏綱誰與操斷絃那慮續吾黨有英髦氣稔侔彭
澤詞幽近楚騷未輸湯從事獨詫碧雲高

次韻聞復廬山見懷

匡廬三載恣徜徉肯憚衣裘弊雪霜學徹死生追粲忍力窮騷
雅陋齊梁心源素與秋潭靜定水寧同夏潦潢澥迨逢余舊題
墨藓封苔駁不成行

夏日寄愚坦二上人

仙潭從古水雲鄉不羨西湖六月涼
支港官河通市井採菱拾翠有舟航
觚稜迥與星辰接鐵鳳疑參鸛鶴翔
九夏登臨輸二子一時摹寫付詩囊

次韻聞復西湖夏日六言

山水初無今古人間自有沈浮試問行歌野老桑麻用事何憂
老葑年來席卷吳儂舊恨弥申昨夜馮夷鼓吹遨嬉抵徹諸隣
夜深一碧萬頃彷彿明河接天岸曲風篔成韻絕勝細管危絃
西湖清淺可泛湍險豈類瞿塘隨處菰蒲蓮芡櫛風沐雨九香
南窻寄傲一榻午帳風來卷舒懶躡子雲陳迹解嘲更續成書
燒空火雲萬丈氣焰信可流金嗟爾龜魚得計適然游泳滋深
櫟杜侵堦美蔭鳴蟬託質初涼薰風正被草木莫作秋聲感傷

柱礎爭流餘潤油雲忽改山容定有盲風恠雨曉來已聽鼉龍
湖光宛同玉鏡隄柳悶若房櫳六月行人過此未輸仙客壺中
河漢斗杓橫七重城漏鼓傳三露鶴一聲何許嘎然震響空崑

夏夜偶興

微陽墮曾巖歸翼投空林龕燈閃古殿梵唄無餘音眷茲石壁
下徐風散冲襟缺月如斷環依微挂松陰清暉婉相屬永夜諧
吾心空生大覺中一漚示浮沉此身漚中客冥觀無古今昔我
嬰世故紛紛那重陳且求華胥夢胡蝶相追尋

次韻古上人湖上步月

尋常西湖月雲霧多襲明茲宵實昭晰似慰詩人情低昂見列
宿戢曜非光熒起余二三子微詠哦新聲杖藜山前去鷄犬寂

不鳴蘭皋宿鷺群回首時自驚君看南北山氣象真崢嶸參差
煙樹藂一一含餘清上人江南秀邂逅意所傾夜闌勸復路浩
興殊未盈

臨江月上人

率同志為社誦法華經一萬部資其梵行作此以贈之

能仁說教滿竺軋流入中國餘五千於中妙經為最勝顓師所
解尤通玄化行吳會連海壖紛紛得法如雲煙見聞讀誦又其
次隨類譬率無間焉嗚呼上人志且堅善邀佛子同法筵妙香
炷爐馥旃檀十科勸進追昔賢旁行貝葉軸似椽卷舒朝暮往
復旋利根嫩種聊窮研魚兔一獲忘蹄筌自餘區區顧未然瀾
翻口舌如湧泉外物交錯心匪緣功成一朝脫愛纏擘如紅藻
濯清淵俯仰千聖遽可肩茫茫苦海旁無邊不有舟楫誰能先

烏蟾疾馳如走丸咨爾佛子無睡眠

琅琊山茶仙亭呈曾子開侍郎

滁山雖僻左謫官皆名臣後先聞數公卓然皆鳳麟憶昨紹聖
初譴公俾省循盛德志怨悻虛懷隨屈信政成思覽眺興與煙
霞親後車載鄒枚主客驪路人逶迤度山谷導從屏所陳漁樵
許半席解后全天真泠泠庶子泉味壓康王珍團團小圓月色
冠閩山春白足相與飯溪毛擷青芹能魚得兼羨樂事無涯津
花瓷勸引滿疏瀹貫百神危亭倚崑阿榜額獨未新牧之擅風
流茶仙誇絕倫相望三百載公能嗣芳塵

送錢持王主簿西歸

蘭陵號多士君實名家孫高才麼筦庫枳棘棲鴛鷺一旦謝朱

墨超然整歸軒迎秋餞伏初炎威尚敲煩松陵接蒼雲迤瀟皆
清源舟子宜夜泛蘋風生夢魂回塘官柳行千樹如雲屯明河
挂柳外涼月低金盆茲行信有得它日爲余言

寄子開內翰

天將有作會雲龍一德君巨邂逅同表率衣冠真領袖羽儀臺
閣舊家風詞林豈獨專周誥袞職深期補舜聰四海滯淹公可
棄盡收鳧鴈集庭中

贈潜照月師

吳興上人心志苦筆研十年耕學圃形癯骨瘦神獨清耿若霜
鷗立秋浦錦囊新詩殊汗漫妙語間發猶稽古銖鋤冗長更磨
揉激濁䟽清導靈府自然韻勝遺島可遠跂淵明追步武瓶盂

勸子適四方莫學匏瓜甘墮歲崇山廣澤徧游覽始信憑高極
天宇藝成技進蔚文采楚楚華身竟何補茫乎三界同傳舍而
我與君俱逆旅不如回首依老褐妙精明心求許與鳴蟬委蛻
藁壤餘脫略秋風即高舉

垂慈堂木栖花

堂下高花屹兩株繁英碎萼巧連茹猛香匪占春園盛清烈仍
分里巷餘長抱秋蟾滋夜氣偶搖風露墮堦除根盤厚地知方
壯封植何人考厥初

此花乃都正慈
化老師手植之

次韻關子容晚霽

小院回廊明霽霞踈簾未捲尚橫斜應憐碧砌無塵滓石竹紅
薇靚有花

飛簾初遣兩師回，獨上江城百尺臺。
萬景橫前方領略，越山仍欲送青來。

再和湖上晚歸

漾舟歸路興何賒，水樹低涼一道斜。
菱蔓蒹葭都卷盡，芙蓉烟烟獨開花。

雲披霧卷仰昭回，試望翻經古石臺。
應有秋香生桂樹，吹風肯傍暮舡來。

次韻子容同聖功見過

檀藥小徑闕陰陰，解鞅停驂步更深。
知我山栖久牢落，故留佳句比南金。

桃李君家世布陰，棣華雍穆義還深。
浮雲百變何須怪，張耳陳

餘舊斷金

參寥子詩集卷第九

好與青來

蘇轍詩集卷第九
好與青來
蘇轍詩集卷第九
好與青來
蘇轍詩集卷第九
好與青來

參寥子詩集卷第十

續許元裕夢中作

許奉議失幼子甚慧方悲惱中卧於北窓下遂夢為詩覺而記其兩句云未可病中

鷲老去會湏花底喚春歸語甚美而元裕意其子他日必復生俾余續之

北窓支枕夢幽微
隱隱神明發暗機
未可病中鷲老去
會湏花底喚春歸

琉璃雖破彩雲飛
演慶高門未易衰
既有嘉祥能兆夢
定湏他日產熊羆

次韻聞復湖上秋日六言 十首

澤畔蒹葭蕭瑟露華落日珠浮撫事少陵多感萬端獨立懷憂
禪餘偶登絕巖據石聊為欠申眼界謾分畦畛誰知大道無隣
楚客當年何苦愁懷繚轉非舒賴有管城公子離騷萬恨能書

西湖發揮有素最盛唯誇樂天遺愛到今不朽長隄一道如弦
處士尚餘陳迹斷碑橫卧林塘婉約梅花秀句騷人萬古傳香
草蔓行將潰茂菊英稍稍敷金南浦愁窺去燕海山莽蒼雲深
江城秋至幾日風物斗覺淒涼隣女機絲何有夜聞促織悲傷
人物年來衰謝背繩追曲周容嗟爾得時蠺蛭故能嘲哂龜龍
涼月娟娟清媚舒光巧入簾櫳萬籟聲同比竹細窺一一空中
可恠狙公巧黠猶迷暮四朝三老我身如枯枿瓦然不動幽崑
觀宗室趙明發使君所畫訪戴圖并二小詩因次其韻
水石追摩詰風騷類小山每來窺二妙戀戀欲忘還
巉絕千峰玉清妍五字詩曾中盤爽氣彷彿幾人知

次韻樓試可承議見招

東州羈旅迹誰親
夫子端能給我貧
默識松筠霜後操
靜看李夢中春
高陽勝絕高天下
縣令風流邁古人
待得芳菲開爛熳
去隨行樂後車塵

次韻秦少游學士

觀宗室大年觀察所
畫江千晚晴圖四首

數幅生絹上形容
萬態心坐窺天下
勝何用遠登臨
漠漠雲披岫斑斑
雨弄晴橫江舟一
葉注目使人驚
陽秋閱肝膈無處
見微茫時作丹青
戲風流冠帝鄉
參差山接野渺莽
水連空笠釣沙頭
客真宜避世翁

春陰

浮雲易作雨無端
未放春泥十日乾
須信杏園憔悴煞
從來花骨不禁寒

次韻伯言明發登西樓望桃花

江南梅子已生人京國桃花始放春氣候不齊雖可恨一枝猶
得見墻隴

小樓西望那人家出屋香稍幾樹花只恐東風能作惡亂紅如
雨墮窻紗

送伯言赴姑蘇上幕

都城公子海賢否良難會從容翰墨場班班知所詣超然三四
公詞學昔人配源流出蘇黃汲引功豈細斯人固才華氣節復
遠邁一官從幕府未覺簿書礙投刃却鳧行岸巾依物外凝香
久寂寞清絕令可繼初辭廣陌塵笑鼓春江柂楚岫與吳山相
望挹空際莫唱渭城歌臨流增歎喟

贈歐陽季默承議

先公跨箕尾搖曳旋天關於今二紀餘肯復來人間時時對遺
編彷彿窺一斑夢寐思見之何從暫追攀迺來都城裏忽覩庭
中蘭方寸實驚喜典刑斯可觀抱病一榻上骨瘦清琅玕為余
設幽几氣兒徐以寬微詞落玉塵文彩真孔鸞棣華惜未識妙
譽聞朝端先公德未泯四海共仰歎願言付百世清風嗣門闌

次韻劉延中廷直見贈

劉郎世胄子苦學窮淵源羞為一掬清欲効千丈渾君看長鯨
質澗壑豈所存操觚妙述作斧鑿無纖痕鍾牙不世出審音誰
復論鷓鴣理勁翮雲漢思孤騫上追鸞皇游下棄燕雀喧建安
誇七子壯氣君可吞九衢苦昏霾槐陰蔽重門良辰為我飯滿

案餘芳蓀軟語夜達旦未覺罷神魂湏知名教樂不羨富貴尊
酬劉巨載舍人見贈所畫山水扇

冰紈玉粉淨無塵墨妙扶踈更絕倫試問揮毫底人物不言從
可識天真

觀明發畫李賀高軒過圖

唐年茂宗枝時平多俊良長吉九霞曜春林擢孤芳退之於孔
門屹屹真棟梁筆力障百川風瀾息其狂破衣繫麻鞵右顧生
輝光一朝與滉革命駕譙煌煌賀初爲兒童隨父事迎將湏臾
命賦詩英氣加激昂長安衆詞客聲問爭推揚風流垂異代尚
想古錦囊君今亦宗英韻勝斯人方少年肯事事苦學志獨強
風騷擬屈宋妙處相頡頏丹青出戲弄配古猶擅場形容示往

事彷彿如在旁一徑入幽遠古垣繚林莊平橋跨渌水叢薄含
葱蒼晴窓爲披拂佳興杳難忘

次韻東坡居士過嶺

一時遷客盡難堪二老高懷默自甘造物定知還嶺北暮年寧
許喪天南安排拄杖尋廬阜斗藪征衣洗瘴嵐他日相逢長夜
語殘燈飛燼落耗耗

次韻代嶺上老人答

閑持箕箒掃崔嵬夾道松陰盡我栽人去人歸真一笑壞空成
住互輪回

次韻子由侍郎書事二首

七年依嶺外遇物即防閑宿負初償畢他生豈復還飄飄疑鶴

骨奕奕藹童顏自許喬松壽玄機密鎖開

直材不易得於國實長城造父還能御驂騑豈憚行買田隣少
室為計老餘生居士來何晚江淮遣候迎

次韻世可見訪峻極遇雨

都城塵土倦茫茫獨喜西來策甚長避暑禪房依亢爽可人溪
雨作清涼飛蚊斗絕簷間鬧乳燕時拳砌下篁縣令風流真晉
客談餘玉麈自揮揚

揖仙亭

崧陽古令尹製錦誇妙手鳴絃對高堂坐使風俗厚政成思考
槃觴豆宴賓友開亭面緱嶺佳致昔未有雲煙靄葱曠青壁冠
星斗王子果真仙揖君千載後鸞車駐縹緲彷彿容暫偶天風

吹簫笙淒響落戶牖紛紛鷲坐客往往為回首相顧勿復言且
進杯中酒

次韻試可同遊法王嶽寺

兩山脩徑盡榛蕪謾詫當年幸翠輿空觀宸文藏寶構不逢衲
子話真如長寺久無林深想見靈根茂地勝宜多隱者居涼月照人
歸路好傍溪嘉樹影扶踈

次韻試可喜兩

東阡北陌久黃埃天遣神龍詎用媒雲似濤頭山半起雨如銀
竹望中來奔輸澗谷時頽岸噴激龜魚或曝顛民物有秋真可
喜池蓮從此更須栽

峻極夏夜

廣庭無凡株鬱鬱兩佳樹扶踈饒美蔭盤錯根本固朝披葉底
風夜泫衣上露禪餘自循繞百匝未忍住月華中天來左右發
暉素清景非人間冷然洗吾慮緬彼大梁下炎蒸毒朝暮朱門
曉未開馬足已馳騫摧眉事權要幸彼一盼顧素標插君頭擾
擾獨不悟

觀宗室曹夫人畫

野水平林眇不窮雪翻鷗鷺點晴空洞房豈識江湖趣意象真
將造化同

華屋生知世曹榮誰教天付與多能西風白草牛羊晚隱見橫
岡一兩層

臨平山下藕花洲旁引官河一帶流兩棹風帆有無處筆端須

與細真搜

嘗許作臨
平藕花圖

次韻陽翟尉黃天選見寄

寓形宇宙間，俟我方以老。沅光安足恃，百歲同過鳥。項余嬰網羅，文彩緣自表。自古山林人，何曾識機巧。但記寒崑翁，論心秋月皎。黃香十年舊，學術參衆妙。虛懷養天和，肯徇奔走鬧。官居職事理，晨起何用早。桐陰滿西齋，叱吏供酒掃。眷余東南來，野飯煮芹藻。先生既清尚，令尹亦高蹈。相將古寺行，軟語頽晚照。公家有暗人，虛緣能自葆。卜築嵩山陽，行當從結好。山中饒勝境，一覽未易了。何時命巾車，共陟雲外嶠。翻愁筋力疲，不隨追勇蹕。公詩擬南山，雄拔千丈峭。形容逼天真，解石適其要。藩籬吾未窺，敢議窮閭奧。

次韻試可嶽祠祭土宿齋

神祠齋館卧耽耽五鼓星河屢起瞻
劔珮森森趨帝右衣冠肅肅奉宸嚴
風傳遠壑松千樹人擁回廊月一簾
四嶽旌幢初會散晨烏聲動廟竿尖

贈宗室德強團練

造物賦象質於余頗能名瓊瑤琢其骨
冲和擅其清公生華屋貴好學從妙齡
才高豈容過卓然以文鳴厚德滋善養
雍容無暫矜區區草芥人未必真爾能
家藏三萬軸插架連屋楹牙籤示題目
探蹟手不停微言固澹泊嗜好如飴錫
祖宗開鴻基累聖致太平詵詵既蕃衍
綽綽亦見稱裕陵喜人物教率從典刑
聯翩試文藝議論參公卿公材實杞梓
落落非杉檉願言勤著

書會當補朝廷他時樹勲業彞鼎信可銘

秋聲

古槐花落小中庭夜半風來捲葉鳴
潁水先生如尚在呼兒應問此何聲

次韻天選寄逍遙庵黃居士

收得詞場舉子身拂衣高卧傍嶙峋
休言白日壺中勝且看紅顏鏡裏春
富貴群爭雖有路山林獨往豈無人
恐君未識陶彭澤故約籃輿訪采真

次韻試可同謁子晉祠

古栢連岡三萬株朝煙破日翠扶踈
投鞭下馬得幽徑共謁賓天帝子居

遺榮少海猛無雙便逐浮丘出帝鄉可笑而今居富貴亦思高
舉上蒼蒼

哭少游學士

江左有豪英超驥世無倫妙齡已述作識造窮天人儒林老先
生相與爲友賓客來叩治亂亶亶披霜筠波瀾與枝葉猶足誇
後塵青衫入仕初十手爭扶輪孤朝可敵衆志鬱不得信造物
念流落荐收付洪鈞干將不許就中晝如有神七年投炎荒日
與山鬼隣妻孥各異土相望同參辰秋風吹黃茅八月瘴霧新
回車嬰重蘄惻惻無與親中原尚杳隔墳隴懷棘薪淒涼浯水
頭魂逝歸無因精爽竟了了挽章見情真流傳到京闕悲讀聞
縉紳斯人儻不亡光華國之珍彼蒼未易曉三歎鼻酸辛

念子少年日豪氣吞九州讀書知突奧游刃無全牛當時所獻
策考致第一流論高道賈誼氣勝凌馬周勝理非空文灼可資
廟謀危根易搖動謂子不好脩嗚呼一齊人柰彼衆楚咻孔門
餘四科士豈一律求區區事屠釣崛起為公侯數竒信有命君
亦忘怨尤平生所著書字字鏗琳球子道決不泯千載傳芳猷
瓶盂客京口彷彿熙寧末君方駕扁舟歸來自茗甞中冷忽相
值傾蓋忘楚越禪揮龐老鋒辯鼓子貢舌連宵極名談江閣倚
清絕扣檻出鼉鼉時取一笑發金山江中多鼉扣欄即出賓客常以為戲邗溝介淮海
濟濟多俊傑良辰苦招要結好從此設堂堂紫髯翁道德冠前
烈謂孫莘老龍圖風流廣文先炯炯事脩潔謂閻求仁博士老禪魁藜林冠蓋
趨維謂慶顯之禪師三豪相繼往墓木葉屢脫子今復云亡枯槩愈

殘缺相逢舊好間
悲詫那忍說明年
東下舩繫纜竹西
月茗奠蜀岡南
彈指當永訣

參寥子詩集卷第十

...

參寥子詩集卷第十一

寄王晉卿都尉

主第耽耽冠北城，位居侯伯固尊榮。
肯將踏月趨朝脚，來伴穿雲渡水行。
池上紅蕖應漸老，山中紫箬尚抽萌。
崧陽迤邐遷川原，勝聞說它時卜釣耕。

與田承君宗丞話舊

赤日下西谷，松門斂餘暉。
蕭蕭征馬鳴，客子來者誰。
故人田子方六月，并州歸嶠嶮千里道。
問子來何為，君命不俟駕，詎敢辭。
炎曦禪庭梵唄歇，軟語同逶迤。
梧桐挂涼月，清潤含裳衣。
人生實萍梗，同附一渺瀰。
驚風或暫先，波定還相依。
昔我在南究，識君英妙時。
軒軒勇氣節，凜凜如熊羆。
聲名固已早，時命殊淹。

遲今茲向魏闕驥足將騰夷聖君隆至治諫諍求瑕玼嘗聞至
人語子可補拾遺一言開堯聰四海風俗移無為外重失蹇譯
當自持贈言古者事吾豈忘前規

登嶽頂呈試可邦直

偉哉中國擅五岳巍巍崧高據其尊四時百辟盡朝會雲障煙
蓋來追奔自餘衆阜何足數擾擾羅列真兒孫秋霖乍開原野
淨隆曦破海浮朝瞰淵明曠達不事事勝日結客遊山樊山腰
下馬躡風磴杖履詰曲躋巔岼窻經玉女猿鳥寂石漱飛瀏鳴
潺湲長松吟風和哀響肌膚凜粟淒神魂行窮絕頂已晡側雲
煙為我開餘昏昂頭玄天驚尺五星斗歷歷俯可捫超然擬與
人世絕彷彿有路通崑崙洛陽竒峰三十六領略併入一眼吞

平生方寸喜壯觀茲游氣豁殊軒軒二豪詞筆有餘地請賦傑
句留山巔風流便可付千載歐梅尹謝相與傳

送王彦齡承務還河內

武陵王郎高韻度鞍馬四方無定住眼逢泉石便吟哦唾珠
璣不論數我亦悠悠事不羈浪萍風梗隨安之少室山前古蘭
若澥迨便與同襟期興來岸幘一長嘯清聲激越穿雲嶠竹林
故事獨未泯人物如君亦高調秋風獵獵促鳴蟬歸路千山入
馬鞭白袍烏袖宜圖畫不羨襄陽孟浩然

寄宗室周呂觀察

帝昀月天孫多茂良似公人物更難方詩書自負青雲器風月能
收古錦囊科斗雷文陳几席鱗衣蟻食耀杯觴都城解后傾遲

素崧少歸來一夢長

題宗室公震防禦畫後

錯莫江雲結暝陰歸飛宿翼半浮沈
毫端領略無遺種想見雍
容物外心

蒹葭照雪含餘潤古木攬天氣老成山谷不來居士死何人爲
子一題評

同趙伯充防禦觀東坡所畫枯木

經綸志業終不試晚歲收功翰墨林
偶向僧坊委陳迹每經風
雨聽龍吟

蕭然素壁倚枯枝行路驚嗟况所思
惆悵騎鯨天上去却來人
世恐無期

大年觀祭許作從駕出南薰門雪霽圖因以詩督之

南薰門外照初陽寶馬瑤鞍從玉皇千丈雪雲開遠野萬枝瓊
樹鬪新粧筆端妙處君先得老去閑情我未忘乞與山林資翫
好高懸素壁爛生光

與廖明略學士賦餘干縣白雲亭一首呈吳明府

白雲翔太虛時來傍孤城超然此榮觀常恐鸞鶴迎能賦自疇
昔騷人遺典刑嗣音竟有屬異代逢淵明揮毫無停綴臨流有
餘清光風轉洲渚爽氣生軒楹况復廖常州吐辭皆正聲跂予
浪續貂坐想徒搖旌

賦王立之承奉園亭

大裘軒

經綸志四海齟齬不得申大裘縱千丈姑覆洛陽春

載酒堂

子雲草玄時載酒客常滿君今慕若人竹刀誰來欵

漱醉亭

潭潭百尺井汲引鳴飛瀾鷲回午醉客一漱恣頰寒

介庵

一庵容宇宙介意安在哉珍重庵中人空洞無纖埃

頓有亭

君家十亭觀棊置宛相望是中富墨妙偉哉蘇與黃

亦愛亭

扶踈蔭佳木五月風來徐淵明方偃卧亦自愛吾廬

永日亭

長安重負官更久歲月馬上遷岸巾怡永日心事獨脩然

求定齋

南華鑑止水惘然見須眉夫子果能定物豈逃妍媸

冷然齋

虛室晝生白清風襲衣履圓蒲燕坐人冷然欲仙去

賦歸堂

王郎英妙年功名固堪勉浩然賦歸歟持操真可羨

送慈義佛師遊嵩少

道人家住錦溪頭衣袂常含爽氣浮偶踏塵埃經北闕却尋雲
水過西州冰銷陰壑蘭芽動柳岸長條春意柔少室峰前無異

路莫將陳迹苦追求

東坡先生挽詞

造物周千載真材得豫章經綸等伊呂辭學過班揚德厚傾巖
顛名高震虜羞數竒終不偶難與問蒼蒼博學無前古雄文冠
兩京筆頭千字落詞力九河傾雅量同安石高才類孔明平生
勳業志鬱鬱閔佳城少年持國論不羨洛陽人抗疏忘機旣
危言駭搢紳丹衷那有謂康濟在斯民竟謫江湖去端居寂寞
濱初復中原日人爭拜馬蹄梅花辭庾嶺甘溜酌曹溪梁木傾
何速椿年竟不齊靈輜向崧洛行路亦悽悽一時英俊附門墉
兄弟從來號兩龍雄辯未饒端木賜題評肯下郭林宗精神烟
烟風前鶴操節稜稜雪後松無復勝游參杖屨追雲弄月更雍容

群鷲投老竄炎荒瘴雨蠻煙豈易當壽氣內全真自葆鐵心無
動亦何妨海山出處憑誰共蚤叟追隨樂未央準易著書人不
見微言分付有諸郎

羽扇綸巾擁帥權高才大燾拂雲煙初聞父老誦嘉語綽有風

流似昔賢

定武人謂公下車
施設宛如韓魏公

論籍數年居瘴海功名無分勤燕然

空餘雪浪齋中石留與邦人萬古傳

當年吳會友名繼

大與見海
月辯才

盡是入天大導師技俗高標元自悟

妙明真覺本何疑籃輿行處依然在蓮社風流固已衰它日西

湖吊陳迹斷橋隄柳不勝悲

西湖新隄六
橋皆公所創

德政從來主意寬奮髯時怒豈容奸儻逢大事能談笑未必風

流劣謝安

我冠正笏立談叢凜凜群鷲國士風却戴葛巾從杖屨直將和氣接兒童

大河當日決澶淵橫被東徐正渺漫城上結廬親指顧敢將忠義折狂瀾

文登五日召公歸海市竒觀與願違已螫魚龍能再起人間異事古來稀

西湖卷葢拓漪漣十里橫吞碧玉天自謂前身真白傳至今陳迹尚依然公平生出處多與樂天同樂天在杭治湖葉隄為政十六箇月公亦如之

臨淮大士本無私應物長於險處施親護舟航渡南海知公盛德未全衰鄒至完言在嶺外嘗聞人傳慧州太守方君家人素奉佛一夕夢泗洲大聖來別去將送蘇某過海遂詰之曰幾時

當去答曰八日去矣後果如期公得命移脩耳至完始未信後遇方君問之信然

畫圖雖不上凌煙道德芬芳滿世間遼鶴已歸東海去烈仙風骨若為攀

孔子韶方平與其姪處度相訪於香山作此詩以贈之

洙泗芬芳遠高材尚可求二難俱韻勝小阮更風流語款時容接詩豪未易酬平生喜人物邂逅此相投

孔平子書閣所藏石菖蒲

寒溪之濱沙石之竇產此靈苗蔚然而秀有羨君子採持而歸文石相并瀟涵清漪根盤九節霜雪不槁置之幽齋永以為好

送處度赴試

異哉曲阜幾世孫白玉受性良且溫詩書禮義祖家學擾擾自餘何足論良辰往往專吟諷遠壓曹劉攀屈宋肯與齊梁作

後塵秋月春花恣嘲弄我方杖策過西州
指點雲山結勝游已
有詔書催玄興豈宜泉石更淹留
征車曉送登長陌月沒參橫
河漢白期君安穩上龍門不怕臨流遭點額

次韻李端叔題孔方平書齋壁

萬事年來即罷休心縈雲水尚追求
草堂早晚投君宿紙帳蒲
團不用收

菊叢稍稍敷金蕊蒼麥芄芄放雪花
榆柳繚牆蒼靄密誰知中
有隱之家

白頭幕府尚崎嶇南畝歸休盍早圖
淮上山川要佳句安排風
月待相如

舍南舍北盡雲山此處躬耕有底難
社飲雞豚好鄰里一盃相

屬百憂寬

馬蹄逐逐走埃塵官府寧容自在身
夜宿南溪孔居士青燈相對話悲辛

愛君簷外蕭蕭竹翠幹扶踈一椽齊
莫道此君無俯仰
驚風墜雪亦須低

端居終日少逢迎
佳客時來一座傾
不見諸郎事
絃篁幽窻唯
有讀書聲

肝膽未應分楚越
高曾元共水雲鄉
方平五世祖避亂居錢塘
愛君善作離

騷語清警殊非俗
肺腸

仲尼道德高千古
老子微言冠百家
餘澤風流俱擅羨
那云玉

樹倚蒹葭

吾黨從來跡易親只緣同是箇中人
漁川魚鳥渾相識來往沙頭肯厭頻

行歌亭

孔寧極先生所居

自古山林浪得名欲要人爵謾逃形
唯餘漁上行歌者獨免移文勒戶庭

先生本自負經綸志在丘園世莫親
不信請看門下客盡為金

馬玉堂人

故相范忠宣韓持國滕達道王仲儀諸公皆禮敬甚厚

嘗聞箕顛卧巢由振蕩高風冠九州
欲識當年孔寧極依稀堪與若人儔

漁川勝氣藹葱葱遠訪先生舊隱風
闕禮敦詩見猶子故知餘澤未終窮

次韻孔處度李榮期同游汝陽城西等慈寺溪堂

汝陽介崧洛郡邑古且幽出郭纔數里招提據清流千章鬱古
木中有百尺樓循梯到朱欄眼接萬象游二豪俱才華筆力勝
九牛佳辰同覽眺高懷肯悲秋軒渠發笑語遼亂驚鳧鷖平生
讀書要取用不假鈎想當援毫初應手如見投搥子明月光冷
然洗吾侪

次韻方平見寄

黃花弄色近重陽山菓紅梨迥得霜節物撩人興不淺交情如
子味何長終期霧豹栖嵒穴且作賓鴻寄野塘它日西湖能過
我胡麻供飯煮芹香

寄題南陽劉氏松堂

南陽自古誇雄都山川淑氣無時無中間豪傑相間出卧龍光
武興王圖有唐昌黎百世士布衣奮起為師儒風流異代骨雖
朽餘澤尚可濡焦枯劉郎先子挺竒質志業文史稱鄉閭詞場
較藝一不售掉頭便卜溪山居朋雲友月終歲事挾冊教子猶
區區青松寸根手自植氣槩今已凌凡株虬髯龍甲拂天籟
若風雨來江湖悲哉孝思論罔極新構永與甘棠俱西州騷人
競與賦盛事相詫無賢愚續貂自昔人所誦詩成出袖增躊躇
同韓子蒼游黃山觀約高壽朋張公碩不至

駝裘躍馬去翩翩一舍逡巡箭脫弦仙事未湏窮傳記勝游聊
為好山川穿林絡石驚寒瀏繚白縈青對篆煙惆悵能文二三
子操觚安得共周旋

子蒼見和二篇再用前韻酬之

涉世伊余實強顏傷弓困翼尚驚弦論文已失李太白採藥
行尋葛稚川請置黃公新石研此山研歸磨潘子古松煙幽窓寫
就經綸志它日風雲去幹旋

次韻王潛翁題王孝孫所藏摩詰聽松圖

輞川竒處固難評眼裏瞳人要自明落落信為霜後操蕭蕭
那慮世間聲忘言我已輸三士妙曲渠寧羨九成此去黃塵沙
漠底時時開匣覩余清時孝孫有塞上之行

游葉城韓氏東園

曾臺累榭蔚相望古木連雲出繚墻可但陶朱能計略須知
猗頓亦材良松風菊露滋清夜楚舞吳歌奉宴觴好在諸郎俱

挾冊起家儒術未應忘

過張公碩廷直息軒

公碩乃張施州仲謀子此軒實黃魯直名之

涪翁六藝學力可當萬人施州亦英特文武備一身風味真頡
頤宛然喜相親詩壇嘗屢戰妙譽傾縉紳涪翁往播遷風義頗
凋淪施州奮不顧伏臘調且勤霜雪槁群木凜然見松筠施州
歸夜臺遺編照青春嗟我獨不識覽卷徒悲辛有子紹門戶飄
飄氣方振能文得父風作語殊不陳流源日疏鑿豈易量涯津
結廬依通衢隔墻開蹄輪頽然小軒上息偃全天真男兒功名
志蠖屈終一申誰能効急急俛仰車馬塵涪翁為子名高意
庶可循

參寥子詩集卷第十一

參寥子詩集卷第十二

靜舍與蔡秀如承事會話

浮雲無根蒂合散不可拘忽然隨高風千里各須更吾生共天壤出處良亦如憶昔淮水濱與君傾蓋初翹翹兩弟昆文彩照冰壺門闌本世胄折節勝寒儒扁舟倚高岸為我飯伊蒲清談落犀塵鄙吝驚掃除一別今四載相忘寄江湖竭來過汝潁吊舊投生芻黃緣訪山水歲晚倦回車蕭蕭古寺底彷彿日已晡聞君戶外音倒屣迎前趨胡為乎來哉吏牒頗馳驅高材困所役何似林間樗清寒凜敗屋猛燄焚枯株胡床坐相對氣兒溫以舒明朝各異縣那得同蘧廬無煩歎離索且盡一笑娛

贈耿純叔秘校二令姪

高門知積慶堂上有諸郎禮樂非童子詩書見義方經營羞弱
羽騰踏羨飛黃富貴由勤苦五車安可忘

讀子蒼詩卷二首

蜀國竒男子能文到古人淳源稽大雅妙曲和陽春節物譙搖
落僧坊斷四隣看君新著述時與短檠親

大冊雄文未許窺百篇先讀海陵詩疲駑伏櫪空驤首飛兔流
星你麻道

贈賢上人

恒山道人棄妻孥壞衣祝髮從浮圖愛纏欲網豈易脫慧劍劃
斷真湏臾飄然雲水出鄉國力學生死來東都心援意馬就羈
束肯逐萬境爭馳驅回看舊事真一夢清渭濁涇良自殊楚山

歲晚俄邂逅雪屋對語依圓蒲勸子南游下吳越小航短棹尋
西湖我家住處湖岸北如椽翠竹森千株竹間扣扉試訪我定
有猿鶴聲相呼

次韻高壽朋殿直喜雪

俄頃風雲變物華撒鹽飛絮聞輕花只應陋巷無貧者玉戶瑤
階共一家

挾風穿箔打窻紗窻裏人看窻外花噴玉流珠君豈羨從來自

是五侯家

壽朋乃宜仁曾孫

書申正已秀才所藏雀竹圖後

荒園古澗雪溟濛細竹枯條共一叢寒雀喧飢正無賴輸他孔
翠食樊籠

樊籠得食暫時優
身世經年類楚囚
何似東阡與南陌
暖風晴日恣遨遊

過韓氏莊登小閣

繚牆千堵氣雄深
小構亭亭出數尋
刈獲一空雲水白
闌干注目見遙岑

玉秀蘭芬好弟兄
昆時來挾冊視田園
困場古木千章合
彷彿秦人避世村

鄭元規秀才內樂庵

陳叔易命名

內樂名庵誰所擇
澗上文人題榜額
想見風流庵內人
定匪紛華域
中客紆朱懷金何足誇
簞食瓢飲真生涯
了無憂患到心境
得失雞虫良可嗟

李榮期秀才杞菊軒

草木助盤飧紛紛固多品精英唯竹萌香軟獨楮菌杞菊於其
間甘清有餘韻達人忘口體道德自滋潤天隨與東坡風味實
相近窮通均一致了不見喜愠春苗共採擷秋英配蘭紉後先
屬文詞金聲而玉振李子妙窮經屢遭有司擯奔軍未云怯再
舉當決陣開軒植杞菊澹泊守定分回頭語世俗未用誚飢困
二豪勉躋攀孔聖故許進長卿亦何人區區能慕蘭

寄潘仲升秀才

漢唐誇汝南豪傑不勝數山川有靈蓄鬱鬱久不吐迺來見潘
子秀色實眉宇是家賸伯仲學術本鄒魯他時俱特立肯與噲
等伍浪爲葉城游邂逅得晤語異鄉逢歲晏越鳥思南舉江湖

結後期細與論今古

次韻方平送李南仲赴試春闈

四溟鳧鴈集天池十日先看俊翮飛
養氣有餘吞大敵窮經無
繆識玄微塵埃舊服辭阿錫
雨露新袍授楚衣拜命還家眷尚
好桃花流水漲漁磯

劉福老長官佚老堂

淵明未掛冠志已蹈方外何時辭五斗
散髮從傲睨閑中氣味
好至樂無與對黃香識君心機事勸早計
古來軒冕事端受外
物制有如纏蔓瓜詎肯脫根蒂一朝秋風至
零落蘄潰潰佚老
得天和晚景期百歲超然閭里間
高風邈難繼

贈權上人兼簡其見高致虛秀才

豫章山川足靈氣天與四時滋萬彙翹然雙幹秀一門儒釋殊
科道無異一操經術游廣文一事瓶盂尋祖意功名生死兩俱
徹論報君親各無愧上人餘力擅風騷三昧何妨間遊戲窮愁
肯學郊與島高賸已能追晉魏文章妙處均製饌不放醎酸傷
至味少陵彭澤造其真運斤成風有餘地眉陽老人文所宗此
語得之吾敢祕斯君向上踏玄關奔逸絕塵那可跂

孫傳師密學挽辭

淮海衣冠盛門闌占一時朝廷矜棣萼人物得熊羆暫倚軒裳
貴還隨舟壑移新阡埋玉樹黃霧慘餘悲玉畿初作邑終日坐
鳴絃雅量能知變平戎在未然裕陵俄識拔鵬路遽騰騫二十
年間事淒涼付逝川逸氣凌崧華高標藹措紳經綸真漢將談

笑卻胡塵白首遭微譴青雲阻要津功名關造物一語未能陳
伯仲持哀日余方傾蓋初炷香翻貝葉酌茗飯園蔬一作刊溝
別空傳桂嶺書升堂揖遺像回首意何如

孫志甫主簿挽詞

彼美荆岑玉斯人實可儔眉間見和氣皮裏識陽秋夫子常稱
德蓬山素並游一官雖不壽撫已亦何羞

君乃莘老龍圖之弟
梅子明學士之友

薦學誰如子窮經志亦勤干將曾未試寶氣已沈淪天遠終難
問眉酸謾自顰佇瞻蘭玉秀哀及墓中身

次韻張敏叔工部題郭殿直遠趣軒

高棟曾軒何用爲此軒須小景無遺惜當麥壠堆青日不見波
濤卷雪時眼底衣冠多邂逅曾中貴賤少參差

郭君善問君
人倫

問君卜

築隄上幾見春光上柳絲

蒙泉堂

百尺蒼崖底蒙泉自我名
瀉涵滋造化汲引絕虧盈
碧甃深仍固朱欄小易成
慙慙中夜月長與照澄明

八月十七夜夢中作

夜半秋江不見人
翠荷薜出露華新
江神水仙來共飲
一掬遺我生精神

哭休上人

從來疑造物無處識其真好
月難終夕名花不盡春
青燈空照室
白氎漫遺巾
泣血怜慈母悲酸動四隣

遼隱堂

雅構何幽眇，真宜邃隱名。
朝雲半峰秀，夜月一簾明。
終歲塵痕少，無時爽氣清。
炷香翻貝葉，安穩老餘生。

寧川西寺水閣呈周格非承議

岌嶷畫棟與雲平，一派寒流玉鏡清。
三島勝形方足擬，千鈞筆力始能名。
鷗翻翠靄光中去，山倚朱欄靜處橫。
令尹政閑勤把酒，風流未減謝宣城。

僧首然師院北軒觀牡丹

鳥聲鳴春春漸融，千花萬草爭春工。
紛紛桃李自撩亂，牡丹得體能從容。
瑤欄玉砌昇曉日，輕薄煙霧初冥蒙。
深紅淺紫忽爛熳，如以蜀錦羅庭中。
姚黃貴極未易覩，綠葉遮護藏深叢。
露華膏沐披正色，肯事天冶分纖穠。
從來品目壓天下，百卉羞澁莫

敢同清淨老禪根道妙即此幻色談真空上人封植匪玩好度
劫先烈存遺風遨芳公子應未耳且樂樽俎怡歌鍾

用法穎韻寄信上人

懷素高閑世罕追君今端與若人期龍蛇落紙驚飛電心手相
忘豈所思驥子神駒天與俊朝燕暮越足難羈超然遽作雙溪
別肯學紛紛兒女悲

昌化雙溪堂呈府簽判德茂宣德

吳會溪山揔可憐此堂雄覽獨能全銀河兩派來天上黛色千
峰落檻前樵斧聲沉蒼靄裏釣竿人立白鷗邊多才李賀知無
敵妙句行看陋衆妍

用法穎韻寄詵上人

吾生出處異周顒，援鶴休驚蕙帳空。
木笥薦盤非世味，胡麻供飯古人風。
時翻貝葉千行偈，戰勝詩魔五字功。
杖屨儻來償素約，與君同盡此生中。

山中書事

身世從來薄所營，晚歸丘壑更忘情。
隨眠煩惱何曾有，無樹菩提本不生。
布襪青鞋供我老，月溪沙路恣經行。
細炊雲子齋厨飯，要配香芹碧澗羹。

次韻孔天瑞秀才見寄

雙溪秋色最關情，想見登臨爽氣生。
木落草枯山自瘦，潦收沙白水偏明。
眼中舊事煙雲散，篋裏新書晷早晚。
成來歲如今好時節，看君高步躡鵬程。

聽天竺慧照師琴

太古淳音久已虧多君妙指善醫治高山流水意雖在白雲陽
春和者誰不放驚飈侵澗戶只容明月侍簾帷滿堂賓客俱傾
耳共失芙蓉漏轉時

寄伯言明發

御城東畔聽鳴珂公子當年爲我過論議凜然無兩可文章妙
絕具三多情親意令方傾倒雲散風流欲柰何儻附南鴻寄消
息吾今蹤跡闕崑阿

過玉師室觀雪川范生梅花

桃李韻麤俗江梅清獨妍幽姿有時覩如揖姑射仙從來丹青
手默數三四賢徐熙擅江左趙子名西川中間復誰何絕特推

老邊風流迨茲泯范子俄超然迺知茗雪勝秀氣常回旋斯人
非畫師勢利不可鐫興來即揮毫游戲三昧前一枝豈易得峇
子能拳拳橫斜有餘態肌粉含霏煙我來玩几席歎賞徒留連
恨無處士詩二妙相並傳

處順齋

生前不用薦毀譽身後何須千載名處順安時真曠達本無哀
樂動幽情

贈聖可證師

吾道日凋喪末流殊可嗟師門互開闢學者如泥沙欲求超然
姿驚麻搜渥注子初爲兒童岐嶷衆所誇長能游學海宛轉窮
津涯誰知蓬蒿底忽覩挺生麻向來挈瓶孟孟同我棲煙霞朝昏

事禪悅神觀靜不譁子今未三十涵養滋根芽行看覺苑中綽
現優曇花

次韻通守楊叔豐大夫游狼山

朱輪千騎擁郊坳政暇尋山固有名眼接青蒼心已喜身經曠
野路尤平潮吞浦溆渾如海蜃吐煙雲謾作城欲訪真仙迷紫
府空端依約步虛聲

吳楚封疆一望間時平無事可相關樂天標致元非俗靈運襟
懷本愛山蠟屐斜穿橫嶺上角巾相對野僧閑扁舟却恨南來
晚勝事風流不預攀

過都監趙思正崇班容膝庵

公子居閑厭華屋一官江海辭羈束端能有志學淵明數板垣

墻營小築榜名容膝雅所宜寄傲南牕聊自足祖宗承平逾百
年胄緒蕃衍如雲煙敦詩閱禮不勝數人物似君尤卓然論文
講藝未易料虛已下士常折旋憶昔初逢大梁下風味向人如
倒蔗苦遭援鶴促還山回首相望鷲百舍誰言江路渺雲濤一
舸春風重命駕

酬王衮臣朝奉見贈

吾聞終南山鬱莢參斗牛其下多賢豪學術貫九流公生實異
稟氣奪河漢秋妙齡升廣文岐嶷壓上游登科三十年仕宦真
悠悠功名信有命富貴豈力求迺來居海上未解鍾儀囚高懷
素聞道對客忘呻吟相權固傾倒不可即掉頭今我來自東澗
追欣綢繆新詩激謬懦詞力勁且適悅如開武庫左右森戈矛

便當偃旗鼓罷戰為良謀與公從逍遙放浪追子休

觀宗室伯山司戶詩卷

參軍暫輟簿書忙為我聊開古錦囊玉骨已能含秀氣珠璣那
解不輝光王孫挾策真難事妙質如君豈易量它日酬書天祿
閣聲名端可繼劉郎

次韻思正雨中偶興

招提岑寂古城隈海雨江風日日來但覺園林芳意盡不知紅
紫為誰開花飛南陌渾空柳綠染中庭半是苔有客衝泥能過
我筍輿馳謁夜深回

酬趙存道都曹見贈

騷人久無聞風雅日浸衰汀洲空蘭芷憔悴無芳姿參軍妙述

作鮑謝相並馳明珠不自耀光彩闕陸離聊因五斗粟暫寄東
海濱官身雖簿領游刃能一麾寥寥古寺空轉砌春日遲閉關
時却掃寂寂下書帷唐虞衆觀覽百氏了不遺論文慎許可紀
律嚴自持昨朝發新詠落語皆瑰竒世無揚德祖詎識黃絹詞
次韻思正游南寺賞牡丹

叢芳依小院妙色發纖穠綽約宜朝露溫柔怯午風興隨懽宴
盡事逐斷雲空應待醑醪放招携更與同

贈思正令子

堪愛君家小鳳雛炯然眉日照水壺他年足逸詩書圃翰墨場
中千里駒

思正挈家游張氏園有詩俾余次韻

邦人莫訝氣如虹
生長皇家富貴叢
陶寫華年樽俎外
吟哦風物
笑談中
伶倫奏曲
千般巧
錦綵纏頭
一樣紅
琴瑟獻酬
還可樂
牽衣兒女復相同

維揚秋日西郊

雨洗高梧爽氣浮
鳴蟬相喚作新秋
翻空白鳥一行去
目送兩
巒欲盡頭

瓜花零落豆花繁
秋入隋家舊苑看
水調遺音今寂寞
空餘壞
道瀉哀湍

潦水初收古澗清
小橋斜倚數魚行
神林社日傳簫鼓
秋稼如
雲歲有成

枯榆偃蹇若蒼龍
影占荒郊半畝宮
下有牧羊雙稚子
卧吹蘆

管對西風

參寥子詩集卷第十二

[Faint bleed-through text from the reverse side of the page, including characters like '管', '對', '西', '風', '參', '寥', '子', '詩', '集', '卷', '第', '十', '二']



參寥子詩集明刻本余向亦有之若宋刻本於數年前曾
聞池上書堂有之然未之見也比來家事櫻心置買書籍頗
不易非特宋刻書日少一日即有之而余收書之力亦日難一
日也遷居縣橋以來葺小廬屬南雅庶常題曰百宗一厘日
坐其中檢點古刻成一簿錄謂之百宗一厘書日蓋余好書之
心不因力歉而稍衰焉余友陶君蘊輝雅善識古并稔知余
之所好在古刻昔余所收者大半出其手茲復以宋刻參寥
子詩集相示索直白鑑三十金余亦無如之何勉購以增
書目之充云尔世行本向傳有二以法嗣法頴編者為勝此
其是也惜余明刻本尋訪未得無從證其同異至于卷端
序文雖係鈔補而以貴與經籍考證之當不謬若以為此

序是錢參寥禪師東歸序而非高僧參寥集序是并
通考而昧之奚足與論古哉

嘉慶歲在癸亥閏二月望後一日堯翁黃丕烈識



跋

參寥子詩集四庫著錄稱有二本一題三學院法嗣廣宥訂智果院法嗣海惠閱一題法嗣法穎編卷帙俱同而敘次迥異又稱法穎本授受有緒當得其真此爲宋刻每卷次行均有法孫法穎編五字舊爲黃子羽所藏嗣入於延令書室傳是樓後爲士禮居所得百宋一塵賦參寥歸攝六之物注云參寥子詩集十二卷驗其收藏最先爲蓮鬚閣舊物有黃子羽讀書記小印卽此書也其後輾轉歸於涵芬樓余又見明崇禎汪然明汝謙刊本亦十二卷其分卷編次與此不合刊書之序但言從携李叢林搜得原本意者卽廣宥海惠二子所編然未著其名不敢臆決以校是本凡明刻所有者是本皆全其卷三酬邵彥瞻朝奉見寄訪彭門太守蘇子瞻學士七古二首彭門書事寄少游

七絕三首卷六同蘇文饒主簿西湖夜泛酬錢塘宰王昭叔朝
奉七律二首卷七別蘇翰林五律一首送景文證師聖可桐虛
齋五古二首贈太守林子中待制七律一首卷九與定師話別
六言第三首次韻關子容晚霽七絕第二首卷十一游葉城韓
氏東園七律一首卷十二讀子蒼詩卷七絕一首寄潘仲升秀
才五古一首維揚秋日西郊七絕第三四首均爲明本所闕其
他注脚亦惟宋本有之四庫總目謂法穎所編爲得其真洵非
虛也蕘圃後跋謂明刻本尋訪未得無從證其異同余旣獲見
因以讐對別錄校記附後以竟黃氏未了之願海鹽張元濟

參寥子詩集校勘記

卷次 葉次 行次

宋本

明本

一 二 後九

陰崖拆曾冰

拆作折

三 前五

陶謝在哉

謝下有安字

前九

親待鋤

待作荷

六 前四

羽蟲相趁飛楊

楊作揚

七 前九

良辰緩余臂

緩作把

後二

蒲團

蒲作蒲

下同

後十

桂花拆

拆作折

八 前三

曠目

曠作曠

九 前七

汀州

州作洲

十 前八

維王府園

維作淮

二 二 前一 次韻永仁 仁下有博士二字

後二 天官天所陳 天所作失所

三 前一 非永造化私 永作求

前八 可人誰有秦淮月 誰作唯

後八 掃洒聚比鄰 掃洒二字乙轉

四 前十 細雨 雨下有二首二字

六 後八 欲報公 公作功

七 前一 曉雨 曉作晚

曦和拆萬物 拆作坼

一 二 前三 花浪激箭馳 花作華

後五 人風遠城市 人作高

參三十精並對皓前五 斂碧紋 斂作皺

後二 大機清曉

大作天

後士 渾泥沙

渾作溷

二 前八 刊溝

刊作邗

四 前一注 有客跪魚

跪作饋

後十 半月強

半作十

六 前四 露點輕

點作蕊

前九 日獲遠利

利作慮

蝻食華衣

蝻作美

七 後三 問望隆

問作聞

四 二 前八 蕭條空渌漫

渌作漫

三 前二 聲問傾九衢

問作聞

四 前四 真賞豈易□

空格作忘

後四

僧坊

坊作房

後五

斗欣紛翳

欣作室

五

後二注

蘇太守

太守作子瞻

并秦少游少游時

無并少游時在越六

在越

字

六

前一

竭來人外

人作世

六

前三

短橈孤榜逐漣漪

逐作近

後六

共伏役

伏作服

四

後七

妙道彷彿窺藩籬

道作迹

七

前三

撩亂梅花落女墻

女作粉

前八

沈香煙吐罇山青

罇作博

後二

欲跨高樓

跨作躡

八 後五 應知病菓落莓苔 菓作果

五 一 前九 利觜自解謀朝哺 哺作哺

後一 謂我不足為傳摸 摸作模

二 前七 香積仍佞餉 佞作接

六 前十一 疎枝嶺藥 嶺作冷

三 後四 以詩見之 之作贈

後六 老元格調 元作韋

五 前九 梅梢青子大於錢 於作如

後九 且逐東風進杖藜 進作送

六 前二 眼看花絮老風光 老作趁

後九 太平觀 觀作縣

七 前十 拆岸頽沙 拆作折

六一 前七 盧囂尤岩嶷 囂作霍

後二 時復度笙篁 篁作簧

後八 曾颺激高梧 曾作商

三四 前四 公生自淮海 生作子

前五 餘棄為文詞 棄作業

前九 四壁無重帷 帷作幃

四 前四 飄風斷黃廬 廬作蘆

六 後三 各賦詩一章云 無云字

二 後四 胷中廊秋漢 廊作廓

後六 六翮挑空起 挑作排

正 一 後上 輒次元韻 無此四字

八 前上 景文已和之 和之作先和

後四 曾欄霽晚雨 晚作曉

九 前七注 馬中玉 中作仲

余次韻之 無之字

前九 詞力瀉溪谷 力作源

七 二 後四 照閣 照上有四字

八 二 後二 冥鴻避網羅 網作網

二 前五 海邊孤起碧千尋 海作梅

前九 六載南宮 官作宮

三 前一 直氣肯隨人 直作真

前二注 育王山至故及之 無此五十九字

前二注 列星事出教中 無此六字

四 前六 當看醉筆吐長虹 看作年

前八 酒幟曉人 曉作招

五 前七 幽姿冷豔匪天饒 天饒作妖饒

八 前一 觀恭師 恭作泰

九 前七 超遙宇宙間 超遙作遙騰

後一注 揭榜 至 周元翁也 無此十六字

後八 風觸葡萄細浪寒 葡作葡

八 二 前六 端居隸業地 隸作肆

十 三 前四 末勢演溢流于東 溢作濫

前六 下無底 下作亦

前七 憇曾閣 憇作啓

四 後一 千口脫葉 空格係林字

後五 路轉松陰複幾重 複作復

五 前一 猿鶴世作玄

三 後一 催語鳥世作玄 語鳥三字乙轉

後九 碧瓦塵未浣 浣作汗

六 前六 想遙下帷 想遙二字乙轉

後三 次韻蘇端 端下有明字

二 後七 堦圯 圯作屺

後九 曦娥 曦作羲

八 前七注 時少章喪耦 無此五字

前十 少林人亡僅千載 人亡作入定

後八 詎肯低回 回作頭

九 前八 殷勤寄語蘭兼蕙 兼作同

九 三 後六 品目真不此為亞 不作以

後十 湛若玉毛懸秋旻 毛作毫

前七 盡收鳧鴈集庭中 收作教

後五 木栖花 栖作樾

前^{四五} 芙蓉烟烟獨開花 烟烟作爛熳

十 前^{一二}注 許奉議 俾余續 無此六十字

之

二 前四注 觀宗室大年觀察 無此九字

三 所畫

六 前六 斑斑雨弄晴 斑斑作班班

後二 江南梅子已生人 人作仁

三 後六 唐年茂宗枝 年作室

四 前八 閑持箕箒 持作將

後四 次韻世可 無韻字 世作試

五 前五注 寺久無長老 長老作僧

前九 奔輪澗谷時頽岸 頽作傾

六 前一注 嘗許作臨平藕花 無此八字

後一 次韻試可嶽祠祭 嶽祠祭土作祭嶽

七 後一 遺榮少海猛無雙 猛作徑

八 前一 讀書知突奧 突作窾

前八注 金山至以爲戲 無此十六字

前十注 謂孫莘老龍圖 無此六字

謂閻求仁博士 無此六字

前七注 謂慶顯之禪師

無此六字

十一 一 後九

凜粟

粟作粟

三 後五 驚回午醉客

醉作夢

四 前三 求定齋

求作永

後九 一時英俊附門墉

提行 前有再哭東

坡四首一題

五 前五注 定武人至韓魏公

無此十四字

前七注 大覺海月辯才

無此六字

六 前九注 西湖新隄六橋皆

無此十字

前八注 公所規

正 前十注 德政從來主意寬

前有再哭東坡七首

一題

後五 五日

日作月

後八注 公平生

平生二字乙轉

後十注 鄒至完至問之信

無此七十五字

然

八 前五 椶毫

椶作援

前六 洗吾侔

侔作眸

九 前二 傷弓困翼

困作兩

前三注 此山出研

無此四字

前八注 時孝孫有塞上之

無此八字

行

後二注 公碩至名之

無此十七字

十二 二 前五 只應陋巷無貧者

應作因

後六 困場古木 無實春 場作輪

四 後六 注 君乃 至 學士之友 無此十五字

後七 注 郭君善人倫 無此五字

八 後二 敦詩閱禮 卷上之 閱作說 字

前三 注 此山出海 無此四字

前二 畜戶困翼 困作兩 無此二字

前次 萬青翰 無此二字 翁翁細 無此二字

八 前正 對學 無此二字 對翁對 無此二字

前九 注 然 無此二字

前十 注 職全完 無此二字 閱之論 無此十五字

前八 注 公平坐 無此二字 平生 無此二字

前正 正日 日翁氏